

UKURI

A. IMVO Z'IVUKA RYA MSD

MSD “UMUHARI UHARANIRA GUFATANA MUNDA NA DEMOKARASI ”, wavutse ari uko habonetse umugwi w’abarundi bo mu ntara zose z’igihugu bashira hamwe ivyiyumviro vyavuye mu banyagihugu gutyo haba harabonetse umushinge wivyo abarundi bipfuzwa. MSD iba iravutse.

Ariko rero muri uyo mwanya, abenshi mubashinze MSD barahuye ningorane baraturatura bitewe n’intwari ya CNDD-FDD kandi ikiza yavugako ije guharanirana ukwishira n’ukwizana kw’abarundi bose mubutandukane bw’ivyiyumviro, ivyo vyatumye benshi murabo basaba ko ivyipfuzwa vyabo vyoya ahabona.

Ivyiyumviro vy’ubatse MSD vyatanguye kwegeranywa mu mwaka wa 2007. Mumpera za 2007 niho abashinze umugambwe begeranya ivyo vyiyumviro gutyo igenekerzo rya 9 kigarama 2007 niho haba inama yambere kumugaragaro yivuka ry’umugabwe MSD yitabwe n’abantu baserukira intara na ma komine yose inyuma y’umwiherero warumaze imisi uriko uragirwa nabo baserukira abandi, babonako bikwiye ko bemanga kumugaragaro ko bashinze umugabwe kugira baronke aho bazocisha ivyo bashakaga.

Baraheza bashira imbere umushingantahe SINDUHIJE Alexis ko ariwe yobajya imbere mugushikana ivyiyumviro vyabo.

UGUCABUGUFI

N^o1

B. IBIRANGA MSD

Indamutso



Turamutsa n’ukuboko kw’iburyo, tuduza ukuboko hejuru twerekana intoke zibiri (Nkomba rukoko na Nsumbazose) tuvuga duti : « **TUGIRE M.S.D** », bishura bati : « **N’UKURI N’UBUNTU** ».

-Kuduza ukuboko hejuru bisigura : *gukura ikiri kumutima tukagishira ahabona.*


-Insiguro y’intoke zibiri : *Uburenganzira bwanje n’ubwabandi (Droits et Devoirs) ; hagati y’intoki zibiri hariyo urudome V rusigura itsinzi, ni ukuvugako duharanira intsinzi y’uburenganzira bwanje n’ubwabandi kandi ko aho ubw’uwundi buherera niho ubwanje butangurira.*

-Intoke zitatu zisigaye :

- **Urukumu :** *Ukuri (Vérité) ;*
- **Gihugu ni ibenga :** *Guca bugufi (Humilité) ;*
- **Agahererezi :** *Ubuntu (Humanité)*

UBUNTU

Ibendera (Drapeau)



Ibendera rya M.S.D rigizwe n’amabara atatu (3):

- **Ibara ry’ubururu** (Bleu) : risigura « *kuroranjirwa* » (Sérénité);
- **Ibara ry’umucungwa uhishiye** (Orange): risigura « *ihinduka* » (Changement);
- **Ibara ryera** (blanche): risigura « *amahoro* » (Paix).

Ikimenyetso kiranga MSD



Ikimenyetso kiranga MSD ni urumuri rw’amahoro (Flambeau de la Paix).

C. INGORANE UMUGAMBWE MSD WAGIYE URACAMWO GUSHIKA WEMERERWE GUKORERA K'UMUGARAGARO

Intwari ya CNDD-FDD imaze kubona ico MSD izaniye abarundi, ntiyashotse yemera ko ija ahabona ninaco gituma kugira yemererwe gukorera ahabona vyatwaye hafi imyaka ibiri; Leta ya CNDD-FDD yitwaza emama ngo ijamba umutekano rivemwo emama ngo amadosiye ngo ntakwiye, ariko ivyo tuzi nuko ivyo vyose rwari ugwitwazo ataco ruvuze kugira bawuburagize kuko iryo jambo umutekano turiha ikibanza muri rusangi.

MSD ikivuka yitwa **“UMUHARI UHARANIRA UMUTEKANO NA DEMOKARASI »**.

- **Akarusho MSD** izaniye abarundi nuko ishaka iterambere riva hasi riduga hejuru ni ukuvuga iterambere riva kumutumba; MSD yaje kugira abarundi ibakuremwo ubwoba za ntware zabateyemwo gutyo baronke ishaka ryo gukurikirana ivy'igihugu.

MSD ishaka ko twese twitwaga abana b'uburundi, hagasubiraho kirazira gutyo wa mugera wokuducamwo imigwi, emama ngo aba ni abahutu, abatutsi canke abatwa, emama bakatwitirira intara uranduranwa n'imizi.

- **Uruhara umunywanyi afise muri MSD** twipfuzako abarundi bose bagira ijamba mubisata vyose mukwubaka igihugu kuko nibwo beneco.



Muri MSD icyumviro cose gitanzwe n'umunyagihugu kirakirwa murupfasoni ntangere maze umugabwe ukakira ivyifuzo vya bose, nico gituma inzego zose za MSD zijaho biciye mu matora, gutyo wa munyagihugu akitorera uwozomuserukira kandi ashoboye guharanira icyumviro ciwe.

- **Abazoserukira MSD** munzego z'igihugu bajaho biciye mu matora, umurundi wese avyipfuzako akaronka uburenganzira bwoguhiganwa n'abandi muntumbero yogushira imbere abashingantahe b'ijamba n'ijamba bazoserukira abandi atankunzi, ninaho azokorera abanyagihugu n'ishaka kuko aribo bamutoye kandi ari bo nyene bashobora kumuhindura iyo babona ko bikenewe.

- **Umunywanyi** wese canke umukunzi w'umuhari asabwa kwemanga mu kwitangira MSD biciye mukumenyekanisha ivyiyumviro vyawo nugutanga intererano.

- **Abanywanyi:** bose muri rusangi bitwa **Imvugakuri**; ariko haza haza umuhari w'abakenyenzi bitwa **Inzirabugunge** n'umuhari w'urwaruka bitwa **Imurikirakuri**.

Ayo mazina ntiyaje nk'icaduka kuko yatowe turavye aho igihugu kigeze nivyho gikeneye kugira indyane zazingamitse uburundi n'abarundi tuzisezerere, nico gituma umwe wese ategerezwa kugendera izina ryiwe na kare ba sokuru barayamaze ngo « **izina niryo muntu »**.



- **Imvugakuri:** indyane zose uburundi burimwo ziterwa nuko abarundi batinya kuvuga ukuri canke batinya ku kuvugana, nico gituma umunywanyi wa MSD wese ahari, ahaguruka agafata iyambere mugushira imbere ukuri muri vyose.

- **Inzirabugunge:** umukenyezi ni kirumara mubuzima bw'igihugu ndetse niwe afise uruhara runini mwiterambere ry'igihugu kuko indero yo kuziko itangwa na we. Uravye ingorane zitandukanye zo kwigungirako ivyiza vy'igihugu n'akagwi gato vyaranze uburundi, umukenyezi niwe ategerezwa gufata iya mbere mukurwanya iyo ndwara mbi yateye abana b'uburundi.

- **Imurikirakuri:** igihugu kidafise urwaruka ruteguye neza mu ndero nakaranga vyaco ntakazozo kiba gifise, nico gituma muri MSD urwaruka ruhamagariwe kubera umuco (itara) w'ijamba ukuri kuko kutagendera ukuri mu barundi nivyho vyatumye igihugu kirwa mu manga.

- **Icivugo,** Umugambwe MSD urangwa n'icivugo kigizwe n'amajamba atatu: **Ukuri, Uguca bugufi, Ubuntu**.

